

Landesbibliothek Oldenburg

Digitalisierung von Drucken

Anthropologia Anatomico-Physica

Baumer, Johann Wilhelm

Francofurti, 1784

VD18 11680695

Cap. XXXVIII. De mammis & lacte.

urn:nbn:de:gbv:45:1-16622

CAP. XXXVIII.

De mammis & lacte.

§. I.

Externis anterioribusque thoracis parti-^{Mammæ.}
bus mammæ incumbunt, quæ ex sin-
gulari substantia albicante glandulosa (cor-
pore glanduloso), multa pinguedine cir-
cumdata, constant, cui tubuli lactiferi, non
valvulosi, sed pinguedine hinc inde com-
pressi, crebrioribus anastomosibus inter se,
& cum vasis sanguiferis lymphaticisque
valvulosis iuncti, interpositi sunt, atque ar-
ctissimis fistulis in papillam, vasculoso-ner-
voso-cavernosam, hiant.

§. II.

Ad mammas vasa mammaria externa at-^{Eorum}
que interna, anastomosibus epigastricis nexa,^{vasa ab}
abeunt; quæ connexio, una cum substantia^{nervis}
mammarum glandulosa, in puerperis la-
ctantibusque demortuis facile demonstrari
potest. A nervis medullæ spinalis dorsua-
libus mammarum nervi veniunt, atque, il-
lorum ope, cum splanchnico magno con-
nexionem habent. Vasa lymphatica, ra-
rius in conspectum proueniunt, Thom.
Warthonius in adenogr. descripsit. Vid. Jo.
Bapt. Morgagni aduers. anat. III. fig. III.
& W. Comperi anat. C. H. tab. XVIII.

§. III.

Lac.

Lac, in mammis secretum, est humor candicans, dulcis, prolis nutritioni destinatus. Ex particulis aquosis, salinis, pinguibus ac terreis constat; nec lacti recens multo spiritus animales deesse videntur. Pro ingestorum varietate, & lactantium ætate, vitæ genere ac valetudine, differre solet. Puerperarum lac primum serosum *colostrum* dicitur, atque recens natis, ad meconium exturbandum, perutile est. Vid. *Phil. Matthæi* diff. de generatione lactis, *Franckeræ* MDCLXVI.

CAP. XXXX.

De organis spermatopoeis, semine ac liquore prostatico.

§. I.

*Vasa sper-
matica.*

Arteriæ spermaticæ, sub renalibus ex aorta emergentes, interdum duplicatæ, demissis ad partes vicinas ramulis, super musculos psoas descendentes, atque ex annulo abdominali provenientes, in scrotum ad epididymides testesque sese demittunt, ibique cum iliacæ externæ ramo venisque spermaticis anastomoses nectentes, ipsam testium substantiam ingrediuntur, subtilioremque sanguinis arteriosi partem illuc deferunt. Venæ spermaticæ valvulis carentes, a testibus epididymibusque orien-